

陳學士吟窓雜錄

陳學士吟窓雜錄卷四十五

白鶴觀韓衛公詩

字久半隨風雨駿氣豪猶入鬼神驚

蔡天啓過吳江詩曰

長笑東來倚拖樓江湖西日杳然秋

鄭毅夫代西方琥探花詩

綠袍不怕露痕濕走入亂花深處來

又云

朝來已與碧桃約留住春風不放歸

錢太初惜劍詩

玉龍乘夜泣秋水帶霜寒

素公不出院僧幽玄有詩

三萬蓮經三十卷半生不踏院門塵

荆公和人歌曲有暖字韻

夕陽到處花偏暖

荆公有集句云

可惜昂藏一丈夫生來不讀半行書子雲識字終投閣幸是金無免破除

歐陽叔弼與弟李黜不作詩

東坡以語挑之曰

君家文律冠西京旋築詩壇案酒兵袖手莫輕真將種致師須得老門生

東坡送公擇云

有如長庚月致曉爛不收

青衫共直昭文館白首同登政事堂

黃覺善詩梅昌言出鎮覺贈詩曰

出去暫開貔虎幕歸來頃占鳳凰池
髮間未有一莖白陶鑄蒼生固不遲

文莹曰

歐公不喜浮圖文莹頃持蘇子美書薦之及
還蒙詩見贈

孤閑笠乾格平淡少陵才及斷句云

林間著書就應寄日邊來

魏泰曰

曾肇為校理會其尤論市易事被責執政怒
未已曾處之恬然有詩贈之曰

直躬忘坎壈祥履任瓊玩

丁寶臣守端州廢累年大臣薦除校理蘇宋
新得御史首抨其弃城事遂出為末州通判
士大夫皆惜其去王存有詩曰
病鴛方振翼飢隼乍離鞬

許蠟醉吟詩曰

群仙拍手嫌輕薄謫向人間作醉狂

漢武於宮中宴西王母云

秋風裊裊月朗朗玉女清歌一夜闌

江表志云

女真錢氏二姊妹依陶隱居誦黃庭經不知
所止田霖有詩曰

贈道潛云

故人各在天一角相望落落如星辰

任師中挽詞云

相看半作星辰沒可憐太白與殘月

蘇黃門送退翁守懷安

我懷明月落勢似曉天星

東坡送人楚王局觀

莫欺老病未歸身玉局他年第幾人

過嶺一篇

乘興真為玉局遊

東坡竟卒於玉局觀

東坡和淵明飲酒詩

青山正可數後騎且徐駢

山谷讀至此云此老未死在

蘇黃門以已卯生故東坡多有卯君之句出

局偶書云

酒傾不能飲待得卯君來

送王鞏詩

淚濕粉牋書不得憑君送與卯君看

山谷曰

東坡嘗愛韋蘇州

誰知風雨夜復此對牀眠

故坡在陝西別子由云

寒燭相對記疇昔夜雨何時聽蕭瑟

又有初秋寄子由逍遙堂後干尋木長送中
霄風雨聲悞喜對床尋舊約不知漂泊在彭
城

子由使虜至神泉節賦詩

夜雨從來相對賦茲行萬里隔胡天

在御史獄詩

他年夜雨獨傷神

在東府有云

對床定悠悠夜雨令蕭瑟

轉對有云

對床老兄弟夜雨鳴竹屋

蔣槩登雒州有感

壯士未酬志乘秋感慨多

詩格

手把寒條撼落英
婆娑漸見綠陰成
隔窓昨夜蕭蕭雨
已有秋風落葉聲

歐公云此詩備四時氣

山谷元祐初有詩云

人材抱新舊王度濟寬猛

至建中初復有句云

開姦有妾道新舊隨宜收

又詩

不須要我出門下
實用人材即至公

張文潛作齊安行

千金莫作齊安游

潘邦老黃人也爲作解朝云

吾邦雖陋無雌黃我曾侍立蘇公傍

又詩

他州雖屢勝吾州無此兩公相繼游

王逢原見知於荆公冠蓋日滿其門逢原獻之大署其門曰

紛紛閭巷士看我復何爲

山谷之詩從謝師厚得句法故山谷有詩云
自往見謝公論詩得濠梁

秦觀字少儀好爲詩既而以所業獻山谷山
谷贈之詩曰

乃能持一簇與我爭鋒直

又云

才難不其然爾亦未易識

江子之云

蔡天啓常和秦少游詩云

師門儻見教與子為湜籍

山谷惠余詩兩篇

一云

多病廢詩仍止酒

一云

醉餘睡起怯春寒

觀者以為疵余曰說詩者不以文害詞豈謂

是耶

秦少章不見十年一日見訪書一篇為惠曰
不到王家已十年子猷風詠想依然舊時朋友知誰
在別後新詩孰與傳

陳魯廣達以憤慨卒江摠題其棺曰

黃泉雖抱恨白日自留名悲君感義死不作負思生

劉禹錫曰

張巡守睢陽有激勵將士詩曰

接戰春來苦孤賊日漸危合圍伴月暈分守似急麗

又夜聞笛

營開星月近戰若陣雲深

梅聖俞謁雙廟

豈若目前榮未沒聲已息

王文公雙廟詩

就死得處所至今猶耿

摭言曰

武幹嘗事蒯希逸十餘載泊希逸擢第幹辭
以親在乞歸就養公堅留不住既嘉其忠孝
以詩送之其略曰

山險不曾離馬後酒醒常見在牀前

吳秘曰

儂賊入廣惟封唐二州拒敵爲我所害而封
州書覲尤可憐異

陳淇有悼志詩

守臣死疆義所當

趙正為偽秦著作即後至黃門武威太守因
歌諫曰

昔聞孟津河千里作一曲此水本自清是誰攪令濁
堅動容曰是朕也

又歌曰

北園有一棗布葉重重陰外雖饒棘刺內實有赤心
堅突曰將非趙文業耶

吉士瞻不事生產時徵士吳苞見其姿容勸
以經學因誦鮑昭詩云

堅儒守一經未足識行藏

拂衣不顧

孫光憲曰

沈詢侍郎神仙中人也制除山北節旄京城

咸誦

曹唐遊仙詩曰

王詔新除沈侍郎使分茅土領東方不知今夜遊何處侍從皆騎白鳳凰

老杜誄吳生盡詩

盡手看前輩吳生遠擅場

蓋古人於能事不獨求誇時輩要須前輩中擅場尔

太祖采聽明遠每邊事必知有聞自劍外歸上曰有何事曰但聞成都滿城誦未山長苦

熱詩

煩暑鬱蒸無處避涼風清冷幾時來

上曰此蜀民思吾耒伐也

何扶以一絕寄舊同年曰

花間每被紅粧問何事重來只一人

鄭顥放榜後請假往東洛覲省生徒餞於長

樂驛俄有紀於屋壁曰

三十驂騮一烘塵耒時不鎖杏園春揚花滿地如飛

雪應有偷遊曲水人

曲江大會上御紫雲樓觀為故曹松詩曰

追遊若遇三清樂行從應妨一日春

後人置破袋例以圖障酒器錢絹實其中逢

花卽飲故張籍詩曰

無人不借花園宿到處皆携酒噐行

正元中呂渭第一榜撓悶不能定去留因以
詩寄前主司曰

獨坐貢園裏愁多芳草生仙翁昨日事應見此時情
裴筠婚蕭楚公女言定未幾使擢第羅隱以
一絕刺之略曰

細看月輪還有意信知青桂近嫦娥

會商五年陳商榜翰林覆落張墳寺八人趙

渭南貽墳寺詩曰

莫向春風訴酒杯謫仙真箇是仙才猶堪與世為祥
蹤曾到遂山頂上來

元和十三年進士陳標獻諸先輩詩曰

春官南院院墻東地色初分月色紅文字一千重馬
擁喜歡三十二人同

韋承貽試夜紀長句於都堂

白蓮千朶照廊明一片昇平推頌聲
絕唱第三條燭盡南宮風月盡難成

咸通十一年江隴勛盜詔停貢舉一年進士

盧尚鄉乃賦東歸詩曰

今日灞陵橋上望闕人應笑
臚前因

潘若冲曰

何仲舉於和疑榜下第四人及第有謝秦王

詩

三千里外拋漁艇二十人前折桂枝

范質舉進士和凝愛其程文自以登第舊在
卜三人謂質曰君之詞業合在甲選暫屈為
第十三人傳老天真鉢可乎魯公謝之後至
作相如復相繼時門生獻詩曰

從此廟堂添故事登庸衣鉢亦相傳

沈括曰

張唐卿進士第一人及第期集子與國寺題

壁云

一舉首登龍虎榜十年身到鳳凰池

有人續其下云

君看姚暉并梁固不得朝官未可知

後果終於京官

吳處厚曰

張師錫有喜子及第詩曰

御榜今朝至見名心始安

李方叔東坡客也坡公知貢舉而方叔故有

詩云

平時謾說古戰場過眼還迷日五色

山谷和之云

今年持橐位春官遂失此人難塞責

蓋是時山谷亦在貢院中也

王禹王曰

馮奉世始求薦於武昌鄂倅取大魁公以詩

寄誰曰

嘗思鵬海隔飛翮曾得天風送羽翰

閻濟美兩舉不第出關因獻座王六韻律詩

曰

唯愁鳳池拜孤賤更誰憐

平曾詠白馬

雪中放去空尋迹月下牽來只見鞍

錢勰待制尹府曰嘗遇誕辰其僚屬盡以烏龜白鶴為獻用表祝壽之意獨楊傑次翁止

以老子出關圖并作小詩

祕藏函谷關中子將獻蓬萊閣上仙願得鬚眉如此老却教龜鶴羨長年

錢公大悅

陶岳曰

何仲舉入洛時秦王爲河南尹仲舉求薦爲
擅場因獻詩

碧雲章句才離手紫府仙人盡點頭

秦王大悅

陳讜授本府長史裴公謨送之以詩云
甌閩地秀出文儒書錦堪誇舊棄繻

歐陽衮及第後返閉戶窮晝頭斯贈詩
爲學心雖蒲知君如掩扉

袁郊曰

孟彦深春雪詩

江上十日雪雪深江霧濃

唐衢人不第白居易遺之詩曰

賈誼哭時事院籍哭路岐

懽以詩哭之者曰

京洛先生三尺墳陰風慘慘土和雲

張燕公寄姚司馬去

共君春種瓜本期清夏暑瓜成人已去失望將何語

徐鉉寄張泌詩

儀甫秉忠信神明自來舍

魏野哭雷有終詩

功臣誰復繼勅葬向家山

李昉呂端同踐父館呂贈李詩曰

雲片尚疑飛白練泉聲常似誦黃庭碧桃葉發萼滿
紫留與人間作翠屏

黃台寄題聶先生山房詩

千尋練帶新安水萬仞花屏問政山自小雲霞居物
外不多塵土到人間

潘若冲曰

吳含靈為道士作上昇歌曰

我向大羅觀世界世界只如指掌大當時不為上昇
忙一提直向瀛洲賣

許鵲真人於招仙觀壁上留歌云

洪爐烹煨人性命器用不同分皆定妖精鬼魅闔神
通只自干邪不干正

李夢符漁父引

漁弟海兄喜到來
婆官賽了坐江隈
椰子杓木榴盃
飲爛煮鮓魚蒲菜堆

張白著武陵春色詩

是非都不問名跡
混然休

又哭陸先生

脫屣定歸天上去
空墳留入武陵圖

許宣獨吟歌

負薪朝出賣沽酒
日西歸路人莫問歸
何處穿白雲
行歸翠微

李白嘆曰此仙人詩也

李泚東曰

有商客過海見一閣云是樂天之官遂有詩
曰
近有人從海上回海山深處見樓臺中有仙龕開一
室皆言此是樂天來

樂天荅曰

吾學空門不學仙想君此語是虛傳海山不是吾歸
處歸即湏歸幾率天

相州栖霞谷有禱順二子服飛龍藥二九十
年不飢

魏文帝有詩曰

西山有仙童不飲亦不食

呂洞賓有詩

似海龜兇人不識燒山符子鬼難看一粒粟中藏世界
二升鏤內煮山川

吟窓雜錄卷四十五終

陳學士吟窓雜錄卷四十六

寄贈

陸凱與范曄相善自江南寄梅花

安與曄贈詩曰

折梅逢驛使寄與隴頭人江南無所得聊贈一枝春
楊漢公爲湖守登消暑樓寄東川汝士詩云
峩堯下瞰雲溪流極目煙波望梓州雖有清風當夏
景只能消暑不消暑

撫言曰李搏以詩謔裴廷裕曰

聞道蜀江風景好不知何似杏園春

白居易在京與名輩遊慈恩小酌花下爲詩

寄元稹曰

花時同醉破春愁，
輜折花枝作酒籌。
忽憶故人天際去，
計程今日到梁州。

孟彥深雪詩

林鶯却不語，
野獸翻有蹤。

唐衢善哭，既死有以詩哭之者曰：

京洛先生三尺墳，
陰風慘慘土和雲。
從來有感君皆哭，
今日無君誰哭君。

韓定辭贈馬或詩

崇霞臺上神仙客，
學辨癡龍藝最多。
盛德好將銀管述，
麗辭堪與雪兒歌。

唐張燕公寄姚司馬詩

共君春種瓜李期，
清夏暑瓜成人已去。
失望將何語。

馮堪寄柳棠詩

桃花浪裏成龍去，竹葉山頭送鷓歸。

江表志曰

楊夔嘗著冗書三卷，馳名於世。唐末下第，鄭谷贈二絕曰：

散賦冗書高且奇，百篇仍有百篇詩。
江湖休洒春風淚，十軸香於一桂枝。
時無韓柳道難窮也。覺天公不至，公看取年年金榜上幾人。才氣似楊雄。

張唐英曰

何涉博學，長於古文。布衣時，范文正嘗以詩贈之行。

賢良詔下先生起休向成都問卜人

吳處厚曰

雷德驥父子並為轉運王禹偁贈詩二首

其一

父子有才同富國君王無事免宵衣

其二

章疏罷封無事日朝廷猶指直言人

真宗卽位梁周翰除知制誥柳開贈之詩曰
九重城闕新天子萬卷詩書老舍人

韓魏公自中書出鎮相州於宅後作狎鷗亭

永叔贈之詩曰

豈止忘機鷗鳥信鈞陶萬物本無心

魏公喜曰予在中書進退升黜未嘗置心於其間永叔可謂知我也

景祐末元昊叛鄭公出鎮長安梅送詩曰

臣夫金鼓從天落韓信旌旗背水陳

鄭公刻于石

子由謫官筠州安道送之詩

一榻從茲還倚壁不知重掃爲何人

已而涕下坡云安道平生未嘗出涕向人

子由奉使朔方寄一絕與坡云

誰將家集過幽都每見胡人問大蘇莫把文章動蠻

貊恐妨談笑卧江湖

城在彭門守過齊州李公擇席上作一絕云

暮雲收盡溢清寒銀漢無聲轉玉盤此宵此景不長
好明月明年何處看

山谷在黔州令以小秦王歌之

神仙

晉太元中武陵人捕魚忽逢山小口髣髴有
光捨舟步入邑室連接雞犬相聞云先世避
秦率妻子來此遂與外隔絕旣出尋之不復
得路

陶潛賦桃源詩

春蠶收良絲秋熟靡王稅雖無紀曆志四時自爲歲
王維桃源詩

平明閣巷掃花開薄暮漁樵隨水入初因避地去人

問及至成仙去不還

劉禹錫桃源詩

筵羞石髓勸客餐燈蕤松脂留客宿雞聲犬聲遙相
聞曉光芟籠開五雲

韓愈桃源圖詩

船開棹進一回顧萬里蒼蒼煙水暮世俗寧知僞與
真至今傳者武陵人

包融武陵桃源送人詩

武陵川徑入幽遐中有雞犬秦人家此時見者爲誰
耶源水今流桃復花

梅堯臣武陵人

花外一峰明林間碧洞啓遙聞雞犬音漸悟人煙邇

尚作秦衣裳卽知晉名氏

又桃花源詩

心寄草樹欲復往山幽水亂尋無涯

王文公桃源行

見孫生長與世隔雖有父子無君臣重華一去寧復得天下紛紛經幾秦

康駢曰

安業坊唐昌觀有玉藥花元和中有一女子可十七八繡綠衣從以二女冠三小僕旣下馬以白角扇障面直造花所取數枝而出須臾已在半天矣

嚴休復有詩

唯有無情枝上雪好風吹綴綠雲聚

元稹亦有詩

弄玉潛過玉樹時不教青鳥出花枝的應未有諸人
覺只有嚴郎卜得知

劉禹錫亦有詩

玉女來看玉樹花異香先引七香車攀枝弄雪時回
首驚怪人間日易斜

又詩

雪藥瓊絲滿院春衣輕步步不生塵君平簾下徒相
問長伴吹簫別有人

白居易亦有詩

瀛女偷乘鳳去時洞中潛歇弄瓊枝不緣啼鳥春饒

舌青瑣仙郎可得知

張籍亦有詩

千枝花裏玉塵飛阿母宮中見亦稀應共諸仙鬪百草獨來偷折一枝歸

顧況曰

秦建阿房之宮采木之客食樹皮黃菁天蒜不覺竦身飛上就山下人家裁詩其詩曰酒盡君莫治壺傾我當發城市多囂塵還山弄明月

藍采和歌

朝騎香風到碧落暮見桑田生白波

馬自然杭州登山詩

秦皇謾作駢山計滄海茫茫轉更深

劉晨阮肇游天台詩

徃徃雞鳴巖下月時時犬吠洞中春

劉阮洞中謁仙子詩

願得花間有人出免令仙犬吠劉郎

仙子送劉晨阮肇出洞詩

惆悵溪頭從此別碧山明月照蒼苔

仙子洞中有懷劉阮詩

洞裏有天春寂寂人間無路月茫茫

劉阮再到天台不見仙子詩

桃花流水依然在不見當時勸酒人

織女懷牽牛詩

欲將心向仙郎說借問榆花早晚秋

王女杜蘭香下嫁張碩詩

來經玉樹三山遠去隔銀河一水長

張碩寄杜蘭香詩

人間何事堪遺恨海色西風十二樓

穆王宴王母於九光流霞殿詩

不知白馬紅韉解偷喫東田白玉瓜

張休真詩

山川到處成三月絲竹經時卽萬年

蕭史携弄玉上昇詩

緱山碧樹青樓月腸斷春風爲玉簫

皇初平入金華山詩

白羊成隊難收拾喫盡溪邊巨勝花

漢武思李夫人詩

夜深池上蘭橈歇斷續歌聲徹太微

小遊仙十三章

其一

偷來洞口訪劉君緩步輕擡綠綉裙旋擘桃花擲流水更無言語倚彤雲

其二

風動天青月桂陰水晶簾箔冷沉沉西妃少女多春思斜倚彤雲盡日吟

其三

方士飛軒佳碧霞酒寒風冷月初斜不知誰唱歸春曲落盡溪頭白葛花

其四

玉簫金瑟發商聲，桑葉乾枯海水清。
淨掃蓬來山上地，略邀王母話平生。

其五

紫龍停步彩雲飛，共看真皇海上歸。
千載桃花香及鼻，玉盤盛出與金妃。

其六

白石山中自有天，竹花藤木滿溪煙。
朝來洞裏團圞集，了賭得青龍直幾錢。

其七

酒澀春濃瑤草齊，真公飲散醉如泥。
玉輪軋軋入雲去，行到半天聞馬嘶。

其八

南斗闌珊北斗稀茅君夜着紫霞衣
獨乘清鹿趨朝去鳳押笙歌隨後飛

其九

飢即殮霞悶即行一聲長嘯萬山青
穿花渡水能相誇珍重多才阮步兵

其十

東妃閑着紫霞裙自領笙歌出五雲
清恩密談誰第一不過邀取小茅君

其十一

朝回相引看紅泉不覺風吹鶴鬢編
好是上清騎白鶴旋馳旌節旋昇天

其十二

紅草青林日半斜，閑隨小鳳出彤霞。
略尋舊路過西國，因得水園一顆瓜。

其十三

風滿塗山玉葉稀，亦龍閑卧鶴閑飛。
紫柴爛盡無人走，何事蘇君去不歸。

黃台寄題聶先生山房詩

黃精苗倒眠青鹿，紅杏枝低樹白鷗。
海上使頻青鳥點，篋中藏久白驢頭。

傳鍾鎮漁父引

村寺鍾聲渡遠灘，半輪殘月落前山。
徐撥棹却歸寧壘浪，朝霞錦綉翻。

伊夢題仙壇

唯有杉松空弄月更無雲鶴暗迷人

題黃葵

露凝金盞滴殘酒檀點佳人噴異香

張白贈崔家酒店詩

武陵城裏崔家酒地上應無天上
有南遊道士飲一斗卧向白雲深洞口

石曼卿降人家作詩

千日酒磨千古恨一聲鶯送一般愁
春絲任逐風梭度花影難隨日脚留

鍾離有詩二首

其一

得道高僧不易逢
幾時歸去願相從
自言居處連滄海
別是蓬萊第一峰

其二

莫厭追歡笑語頻
尋思離亂可傷神
閑來屈指從頭數
得見昇平有幾人

羅真君詩

水雲蹤跡日閑遊
夏谷陰寒冷勝秋
猿鳥性情猶戀舊
翻身却去海邊州

呂誨爲玉帝司糾與朱明復詩

功行偶然書玉闕
衣冠無限葬塵埃
我今從帝爲司糾
更有何人直栢臺

宿州天慶觀有神仙詩二首

其一

秋景蕭條葉亂飛
庭松影裏坐移時
雲迷鶴駕何方
去仙洞朝元失我期

其二

時傳丹篆千年術
日誦黃庭兩卷經
鶴觀苦壇槐影
裏悄無人跡戶長扃

呂洞賓有詩題天慶觀

野人本是天台客
石橋南畔有住宅
父子生來即兩
口多好笙歌不好拍

客者宿也石橋者洞也兩口者呂也好拍
者詩也此乃呂洞賓自言也

東坡曰

回先生過湖州東林沈氏留詩于庵之壁

西隣已富憂不足東老雖貧樂有餘
白酒釀來因好客黃金散盡爲收書

吟窓雜錄四十六

陳學士吟窓雜錄卷四十七

高逸

范文正公謫睦州過子陵祠下會吳俗歲祀
里巫迎神但歌滿江紅公撰一絕曰

漢包六合網英豪一箇冥鴻惜羽毛世祖功臣三十
六雲臺爭似釣臺高

李僧伽不應辟命衣叔德有懷舊詩

平生寡俗累終身無世言

賀知章秘監請為道士賜鏡湖剡川一曲錢
行帝賜之詩曰

寰中得祕要方外散幽襟

李適之和

筵開百壺餞詔許二疏歸

王鐸和

華表尚迷丁令鶴竹坡猶認葛溪龍

張志和漁歌

西塞山邊白鷺飛桃花流水鱖魚肥青莢芝綠簑衣
斜風細雨不須歸

闔采爲刺史入道戎豈有諱曰

風過鬼神來受籙夜深龍虎衛燒丹

蔡大夫有四皓詩

秦末家家思逐鹿商山四皓獨忘機如何鬢髮雪相
似更出深山辨是非

杜光庭有詩

返朴還淳皆至理遺形忘性盡真詮

隱士詩

九重城裏人中貴五等諸侯闕外尊
爭似布衣雲水客不將名字掛乾坤

隱士陳曙詩

到老未踈林裏鹿平生未識日邊人

唐求題鄭處士隱居

數點石泉雨一溪霜葉風

贈行如上人

衲補雲千片香焚篆一窠

題青城山范賢觀

苔鋪翠點仙橋滑松織香梢古道寒

又臨池洗硯

恰似有龍深處卧被人驚起黑雲生

又早行

沙上鳥猶睡渡頭人已行

伍玠先生題茅亭

聚散榮枯一夢中西歸親友半成空唯餘大隱茅亭
客垂白論交有古風

李陽冰題阮客舊居

阮客今何在仙雲洞口橫人間不到處今日此中行
石待問詩

平生無女只生兒三子登科一子隨家在白雲
裏不求閑散待何時

劉縣詩

讀書誤人四十年幾回醉把欄干拍

韓退處士常跨白驢自有詩曰

山人跨雪精上便不論程嗅地打不動笑天休始行

劉諷都官隱潁山

范景仁贈之詩曰

移家尚恐青山淺隱几唯知白日長

朱公綽贈之詩曰

疏草焚來應見史橐金散盡只留書

范景仁詩

不學鄉人誇駟馬未饒吾祖泛扁舟

張愈隱於西城山文潞公贈詩曰

深慙蜀太守不及採芝人

張退傅告老遊春回門吏請官位公書一絕

句於牌曰

閑遊靈沼送春回
閑吏何須若見猜
八十衰翁無品秩
昔曾三到鳳池來

程暉自詠

雖無事業傳千古
却得安閑過一生

魏錕閑居詩

地無塵不掃
門到夜長開

漢武招李夫人魂
白樂天樂府曰

背燈隔帳不得語
安用暫來還見爲

王仁裕曰

王著賃居相國寺忽遇故人張守中著謂守
中曰去年卷內題胡蝶末句云今夜若棲芳
草徑爲傳幽意達王孫又曰薄命蘇秦頻去
國多情潘岳旋興悲可謂體格清奇守中曰
不足見稱去後因詢他人云守中亡已累月
何光遠曰

高駢版築羅城日有指揮姜知古要掘趙相
墳是夜有黃衣曰趙相公遣使上書知古驚
讀又有一詩

我昔勝君昔君今勝我今人生一世事何用苦相侵
前定錄曰

祖價落第投僧寺宿有人殿後出揖爲詩恣

吟三首

其一

家住驛北路百里無四隣往來不相問寂寂山家春

其二

南崗夜蕭蕭青松與白楊家人應有夢遠客已無腸

其三

寒草白露裏亂山明月中是夕長吟罷寒燭與君同
吟畢曰君來歲必成名乃今相報價爲文
弔之而去來年登第

樂史曰

錢起吳人嘗於客舍聞人吟曰曲終人不見
江上數峰青以爲鬼怪而志其十字及試湘

靈鼓瑟詩以是足之果登第

唐燕士隱于九華山於林中見一少年吟曰
澗水潺潺聲不絕溪隴茫茫野花發自來自去人不
知歸時長對空山月

燕士以問里人曰是吳氏子善詩卒數年
矣

劉山甫泊舟青草湖詣天王祠賦詩曰
壞墻風雨幾經春草色盈庭一坐塵自是神明無感
應盛衰何得却由人

是夜夢天王責曰我非天五乃南岳神也
汝何相侮俄而驚覺風浪斗起沉溺在即
遽起悔謝令撤去詩脾然後方定

錢希白曰

張孝和詣龍王祠投詩兩句以桐葉書之投於帳中後再至淮岸忽逢一舍有美人居孝和詣之乃置酒番光邀女歌女但微吟一詩落帆且泊小涉灘霜月無波淮上寒若向江南得消息為傳風水到長安

張稱善父之遂告行數十步忽使小女呼曰娘子傳語還君桐葉張恍然失女所在

鬼詩

明月清風良宵會同星河易番歡娛不終清尊翠杓為君斟酌今夕不飲何時歡樂

山谷曰當是鬼中曹子建作

東坡亦以爲然

又一篇

玉戶金缸願陪君王邯鄲宮中金石絲簧鄭女衛姬
左右成行統綺續紛翠眉紅粧王歡轉盼爲王歌舞
願得君歡長無疾苦

蘇公云邯鄲宮中金石絲簧此兩句不惟
人少能作而知之者亦極難得爾張文潛
忽曰舊時鬼作人語而今人作鬼語二公
大笑

夢

盧元明忽夢友人王由携酒別詩曰

自茲一去後市朝不復遊

經三日由爲亂兵所害

鄭顥夢與十數人聯句曰

石門霧露白玉殿莓苔青

不數日宣宗上仙未幾鄭亦卒

邢鳳夢美人春陽曲

長安女兒踏春陽無處春陽不斷腸舞袖弓彎渾忘却羅惟空換九秋霜

姚合云

友王生者元和初夢遊吳王宮聞葬西施詔

客作挽詞生爲代作曰

西望吳王闕靈壽鳳字牌連江排寶帳擇土葬金釵
滿地紅心草三層碧玉階春風無處所悽恨不勝懷

詞進王甚嘉之

孟啓曰

許渾夢至崑崙見數人飲招之至暮而罷賦

詩曰

曉入瑤臺露清座中惟有許飛瓊塵心未盡俗緣
在十里下山空月明

他日復夢至其處飛瓊曰何故顯余姓名
於人間座中即改爲天風吹下步虛聲

何光遠曰

處士張孜寫李太白真虔禱忽夢一人自天
降下與孜對論歌詩孜歌其異夢曰

上天知我憶其人使向人間夢中見

前定錄曰

蘇檢夢其妻取紅牋剪數寸爲詩曰

楚水平如鏡周回白鳥飛金陵幾多地一去不知歸

檢亦裁蜀牋和曰

還吳東下過蒲城樓上清風酒半醒想得到家春欲暮海棠千樹已彫零

及寤乃於席下得其詩視篋中紅牋亦有剪處比歸而妻亦卒

太平廣記曰

張生自河朔還汴晚至板橋忽見草中有燈火賓客五六人飲其妻亦在坐中妻歌詩曰勸君酒君莫辭落花徒遶枝流水無還期莫恃少年

時少年能幾時

又歌曰

怨空閨秋日亦難暮夫婿斷音書遙天鴈空度

又歌曰

切切風夕急露滋庭草濕良人去不回焉知掩閨泣
張生怒以瓦擊之遂不見及歸言之乃與
妻所夢正同

道士許謬家于南康舍前有溪爲兒時夢浴
溪中有人以珠一篋遺之云郎君吞此則眼
愈矣謬吞其細者六十顆後裴謏選其詩六
十篇行於世

沈存中曰

李慎言嘗夢至一處水殿中觀古女戲毬有
拋裘曲兩首

其一

侍宴黃昏晚未休玉堦夜色月如流朝來自覺承恩
醉笑倩傍人認繡毬

其二

堪恨隋家幾帝王舞榭採盡繡鴛鴦如今重到拋裘
處不是金爐舊日香

南唐遺事曰

絳邏熱疾彌日晝寢之際夢一婦人若神仙
狀持蕉一本令絳食之歌菩薩蠻詞送之曰
玉京人去秋蕭索畫簷鵲起梧桐落敬沈隋無言月

欲殘夢圓孤燈惟暗泣睡覺羅衣濕眉黛遠山攢芭
蕉生暮寒食畢而疾瘳

崔球居太學久不歸一日晝夢至其家見其
妻題詩曰

數日相望極須知意思迷夢魂不怕嶮飛過大江
西既覺憶其詩後月餘家問至此詩一字不
差驗其日乃夢日也

王素一日欲作奏論事方据几秉筆則瞑目
夢至一處君瓊瑤世界有人云公向以奏牘
玉帝語傷鯁訐暫謫下世念公作奏論事事
有大利害更審之而後譚也公曰諾悟已三
鼓矣乃索筆書一絕於窓

似至華胥國裏來雲霞深處見樓臺月光冷射雞鳴
急驚覺遊山夢一回

歐陽仲純父嘗夢一道士持告身相投曰上
帝命汝爲長白山主以語東坡既而果卒故
東坡哭之詩曰

死爲長白主名字書絳闕

賢良司馬櫛陝州夏臺人也一日夢見一美
人緩歌一詞曰

妾本錢塘江上住花落花開不管流年度燕子銜將
春色去紗窓幾陣黃梅雨櫛續其後云

斜插犀梳煙半吐檀板朱唇唱徹黃金縷望斷行雲
無覓處夢回明月生南浦

君常以此夢爲念及赴餘杭慕爲河傳詞
以思之是夕寢復夢向之美人喜曰此來
妾亦願爲郎爲偶况時當諧矣又何去焉
乃相與就寢每夕無間遂與僚屬具道其
本末衆謂之曰君公署之後有蘇小小墓
得非是乎坐客或謂君曰吾雖願之安可
得也君翔一畫舫令舟卒守之一日昏後
卒至見一少年衣綠袍携一美人同片畫
舫卒遽往止之則舫中發火不可向通頃
之畫舫已沒卒急以報比至公署則君已
暴亡矣

幼悟

劉晏以神童爲祕書正字貴妃命詠王大娘戴竿詩曰

樓前百戲競爭新
唯有長竿妙入神
誰爲綺羅翻有力
猶自嫌輕更着人

名士傳曰

林傑五歲父因挈行王仙君壇戲問童子能詩乎傑口占云

羽客已登雲
路去丹爐草木盡
凋殘不知千載何如
目空使時人掃舊壇

唐宋遺史曰

如意中有女子年七歲能吟詩則天試之其兄辭去則天令作詩送之曰

別路雲初起，離亭葉正飛。所嗟人異鴈，不作一行歸。

潘若冲曰

范攄有子七歲吟詩

贈隱者

掃葉隨風便，澆花趁日陰。

又夏日

閑雲生不雨，病葉落非秋。

方干曰：未必享壽未十歲而終。

蔣堂六歲，父命爲《梔子花》詩曰：

化工曾用意，吐艷生樞杳。欲結黃金子，先開白玉花。
父驚嘆不已。

丘濬十歲，謁陳州太守曰：前日寺中聞太守

射有詩

殿宇閑聞燕雀鳴，虛庭盡日少人行。
孤吟獨坐情何恨，時喜風傳中鵠聲。

太守大喜

金惟明七歲賦鴛鴦詩

願得聞天聽，時時向闕明。

其弟惟翰年五歲亦賦曰

既能傳鳳闕，寧肯類諸禽。

臧謀年十歲作梅花詩

綠楊解語應相問，漏泄春光却是誰。

崔鉉爲童時謁黃湜詠駕上鷹詩

萬里青霄終一去，不知誰是解條人。

徐鏞十歲詠秋聲

雨滴莠苔老風歸薜荔紅

吟窓雜錄卷四十七